

Broj: 01-05-26-2-8249/22
Hadžići, 29.12.2022. godine

Općinsko vijeće Hadžići na 20. sjednici održanoj dana 29.11.2022. godine, a na osnovu člana 30. Zakona o premjeru i katastru zemljišta („Službeni list SR BiH“, broj 14/78, 12/87 i 26/90 i „Službeni list R BiH“, broj 4/93 i 13/94), člana 53. Zakona o premjeru i katastru nekretnina („Službeni list SR BiH“, broj 22/84, 12/87, 26/90 i 36/90 i „Službeni list R BiH“, broj 4/93 i 13/94) i člana 24. Statuta Općine Hadžići («Službene novine Kantona Sarajevo», broj: 15/09, 17/12, 10/13, 14/13 – ispravka, 11/18 i 1/20) d o n o s i

R J E Š E N J E

o imenovanju Komisije za utvrđivanje i obilježavanje granice katastarskih općina Binježevo i Donji Hadžići sa granicama katastarskih općina Blažuj (Općina Ilidža) i Hrasnica (Općina Ilidža)

Član 1.

U svrhu utvrđivanja i obilježavanja granice katastarske općine Binježevo i Donji Hadžići sa susjednim katastarskim općinama imenuje se Komisija u sljedećem sastavu:

1. Edin Hodžić, dipl. ing. geod. – predsjednik
2. Osman Šunj – predstavnik k.o. Binježevo (Općina Hadžići)
3. Medaris Šunj – predstavnik k.o. Binježevo
4. Musić Dževad – predstavnik k.o. Donji Hadžići (Općina Hadžići)
5. Mehdi Mirsad – predstavnik k.o. k.o. Donji Hadžići

Kao i njihovi zamjenici:

1. Emira Horman, ing. geod. – zamjenik predsjednika
2. Nizić Ešref – zamjenik predstavnika k.o. Binježevo (Općina Hadžići)
3. Pekmez Fehim – zamjenik predstavnika k.o. Binježevo
4. Nizić Ferida - zamjenik predstavnika k.o. Donji Hadžići (Općina Hadžići)
5. Musić Hemo - zamjenik predstavnika k.o. Donji Hadžići

Član 2.

Zadatak Komisije jeste izvršiti obilazak, utvrđivanje i obilježavanje granice katastarskih općina Binježevo i Donji Hadžići sa susjednim katastarskim općinama Blažuj (Općina Ilidža) i Hranica (Općina Ilidža).

Utvrđivanje i obilježavanje granica katastarskih općina vršiti u skladu sa članom 30., članom 31., članom 32. i članom 54. Zakona o premjeru i katastru zemljišta („Službeni list SRBiH“, broj 14/78, 12/87 i 26/90 i „Službeni list RBiH“, broj 4/93, 13/94), zatim članom 53., članom 54., članom 55. članom 164. i članom 175. Zakona o premjeru i katastru nekretnina („Službeni list SRBiH“, broj 22/84, 12/87, 26/90 i 36/90 i „Službeni list RBiH“, broj 4/93 i 13/94), te u skladu sa članovima 16. do člana 35. Pravilnika o snimanju detalja (“Službene novine FBiH” broj 3/22).

Član 3.

Rok za obilazak, utvrđivanje i obilježavanje granica katastarskih općina iz člana 2. ovog Rješenja je 90 dana od dana dostavljanja Rješenja imenovanim članovima Komisije.

Član 4.

Naknada za rad svakog člana Komisije utvrdit će se posebnom odlukom.

Član 5.

Ovo Rješenje stupa na snagu narednog dana od dana donošenja i bit će objavljeno u Službenim novinama Kantona Sarajevo kao i web stranici Općine Hadžići.

O b r a z l o ž e n j e

Mišljenjem Federalne uprave za geodetske i imovinsko-pravne poslove Sarajevo broj: 03-302115/19 od 18.12.2019. godine, utvrđena je potreba rješavanja problema granice između k.o. Binježevo (Općina Hadžići) k.o. Blažuj (Općina Ilidža). Odlukom Vlade Federacije BiH o obnovi premjera na području Općine Ilidža broj: 1303/2021 od 19.08.2021. godine pokrenut je proces obnove premjera koji će rezultirati tačnim i pouzdanim podacima o nekretninama kao i korisnicima nad istim.

Članom 30. Zakona o premjeru i katastru zemljišta propisano je da utvrđivanje i obilježavanje granice katastarskih općina vrši Komisija koju obrazuje Općinsko vijeće. Nadalje, istim članom propisan je sastav Komisije te razgraničavanje katastarskih općina koje ujedno čine i granicu administrativne općine.

Članom 53. Zakona o premjeru i katastru nekretnina propisano je da utvrđivanje i obilježavanje granice katastarskih općina vrši Komisija koju obrazuje Općinsko vijeće. Nadalje, istim članom propisan je sastav Komisije te razgraničavanje katastarskih općina koje ujedno čine i granicu administrativne općine.

Pravilnikom o snimanju detalja propisan je način obilježavanja i dokumentovanja granica katastarskih općina.

Članom 32. stav (4) Zakona o premjeru i katastru zemljišta propisano je da sredstva za utvrđivanja i obilježavanja granica katastarskih općina snosi općina.

U skladu sa navedenim, te u skladu sa citiranim zakonskim odredbama, a u cilju provođenja postupka obnove premjera za katastarske općine Blažuj i Hrasnica (Općina Ilidža) izvršeno je imenovanje komisije iz člana 1. ovog Rješenja.

PRAVNA POUKA :

Protiv ovog rješenja ne može se izjaviti žalba, ali se može pokrenuti upravni spor tužbom kod Kantonalnog suda u Sarajevu u roku od 30 dana od dana dostavljanja. Tužba se podnosi neposredno Kantonalnom sudu u Sarajevu.

Predsjedavajući
Općinskog vijeća Hadžići

Almin Bašić